

Vrbs ampla, elegans atque clarissima in infima inferioris Bavarix parte ad Austriæ initium, in utriusque nimirum Provinciae confinio, inter Danubii & Oeni confluentes, Peninsulæ instar, loco commodissimo pariter, amenissimoque sita. Episcopali, cui paret sede, & amplissima, quæstuosissimaque omnis generis commerciorum negotiatione admodum celebris. Tam præstanti siquidem ad negotiationem situ ob fluviorum, locique oportunitatem excellit, ut quemadmodum ob rapidissimorum fluminum concursum, Lugdunum in Galliis, Gandavum in Flandria quæstiosa negotiatione floreret: ita hoc Germaniæ tractu, eodem nomine præceteris urbibus commendetur Patavia. *Landshut*um, vulgo *Landshut*, urbs celeberrima, & primariæ dignitatis: ad fl. Isaram sita, qui urbem hanc præterlabitur, magno Incolarum commodo & ornamento. Hanc Irenicus ex quinta Ptol. Europæ tabula *Inutrium* statuere videtur, cui tamen situs non optime convenit. Ac proinde melius Ptol. *Inutrium* Aventinus vere linceus Germaniæ, potissimum vero Boiariæ suæ perlustrator, *Mittenwaldi* Bavarix pagum cis Alpes constituit. Condita est anno 1555 a Ludovico Bavarix Duce: Agro beata fertili Frugum, Animalium, Vini, omnisque generis Fructuum. Vrbs ipsa ædificiis admodum venustis & elegantibus nitet: inter quæ principem merito locum obrinet summum Urbis Templum, quod artificiosa structura, & vivo ex lapide visenda, imo stupendæ altitudinis turri conspicuum est. Magnificum etiam Illustriss. Alberti Ducis, in inferiore urbis parte cernitur Palatium, *Novum*, vulgo *adificium* nuncupatum, Fluvii Bavariam scindunt beantque plurimum non pauci, *Danubius*, totius Europæ maximus, Græcis pariter *Flumina*. atque Latinis Scriptoribus celebratus: *Lavarus*, & *Isara* amnis, ut amœnus, ita pisculentus & rapidus: *Illicetus*, *Oenus*, *Lycus*, *Alemannus*, vel *Alimula*, *Nabus*, *Regus*, *Ambra*, *Zoyfa*, *Vilsus*, *Wolfaba*, *Gyssea*, alique pene innumeri. Præter hæc flumina complures etiam ac spatiosos habet Lacus, singulis, singula sibi Piscium genera, & tanquam privatas formas custodientibus: cuiusmodi sunt *Ammersee*, *Assee*, *Wirmsee*, *Rorsee*, &c. Montibus cum hinc inde sit innexa altissimis, nomina singulorum hic recensere vix datur, præcipui tamen sunt *Pœnina* *Alpes* & *Caravancas* Mons. Silvæ pene infinitis ita spargitur, ut una videri queat, uti revera est: Hercyniæ enim omnes hæc portiones sunt, ac totum propemodum eam olim hunc tractum contexisse, vix dubium est. Verum diversa, hæc ejusdem silvæ portiones sortitæ sunt nomina, cuiusmodi sunt: *Heynerdoch*, *Schwartzwald*, *Grienerwaldt*, *Zellerwaldt*, &c. Populus agri & pecoris magis quam belli cultor, neque Mercaturæ multum deditus, tantum Baccho & Liberis operam dat: raro natale solum relinquit. Porro 11 Circulus Imperii Bavaricus tribus Ordinibus constat. In 1 sunt Episcopi: Archiepiscopus *Salzburgensis*, Episcopus *Passaviensis*, Episc. *Freisingensis*, Episc. *Ratisbonensis*. Abbates: Præpositus *Berchtolsghaden*: Ab. *Rempeck*, Ab. *Waldsachsen*, Ab. *Roden*, *Rot opinor*, Ab. *Keishaim*, Ab. *S. Hymer an Ratisbona*. Abbatissæ: *Alt Munster*, & *Ober Munster* Ratisbonæ. In 11 sunt Dux Bavarix, Co. Palatinus Bavarix, Landg. *Luchtenberg*: Co. *Hage*, Co. *Ortenburg*, B. in *Stauffen*, forte *Thuna Stauff*, aut *Stauffnegk* D. *Rimsels*, forte *Rhinfelden*, B. *Degenberg*, *Obersultzperg*. In 111 sunt *Freistet*, *Regensperg*.